

UNIVERZITET U TUZLI  
Broj: 01-70-JN-9/23 LOT 2  
Tuzla, 29.05.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 i 59/22) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-70-JN-8/23 LOT 2 od 29.05.2023. godine, po punomoći Rektora Univerziteta u Tuzli broj: 01-2593-1/20 od 11.06.2020. godine Direktor za ekonomske poslove donio je

## **O D L U K U** **O DODJELI OKVIRNOG SPORAZUMA I UGOVORA**

### **I**

U okončanom otvorenom postupku javne nabavke za pružanje usluga štampanja matičnih knjiga, matične evidencije i druge blokovske robe za potrebe Univerziteta u Tuzli u 2023. godini (LOT 2), izabran je ponuđač „OXYGEN“ d.o.o. Sarajevo kao najuspješniji sa ponuđenom cijenom u ukupnom iznosu od 3.993,61 KM bez uračunatog PDV-a, odnosno 4.672,52 KM sa uračunatim PDV-om, te se istom dodjeljuje okvirni sporazum i ugovor o pružanju usluga.

### **II**

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove postavljene u Tenderskoj dokumentaciji i zato što je imala najnižu cijenu.

### **III**

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

### **IV**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluka ponuđačima koji su učestvovali u postupku javne nabavke.

### **V**

Ova Odluka stupa na snagu sa danom donošenja.

### **Obrazloženje**

Univerzitet u Tuzli pokrenuo je postupak javne nabavke za pružanje usluga štampanja matičnih knjiga, matične evidencije i druge blokovske robe za potrebe Univerziteta u Tuzli u 2023. godini (LOT 2) s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-70-JN-1/23 od 25.04.2023. godine. Obavještenje o nabavci objavljeno je na portalu javnih nabavki "E-nabavke" broj: 795-1-2-15-3-58/23 od 28.04.2023. godine, u „Službenom glasniku BiH“ broj: 33/23 od 12.05.2023. godine i web stranici Univerziteta.

U ostavljenom roku ponudu su dostavila dva ponuđača „OXYGEN“ d.o.o. Sarajevo i „HARFO-GRAF“ d.o.o. Tuzla.

Analizom dostavljenih ponuda Komisija je utvrdila da ponuda ponuđača „HARFO-GRAF“ d.o.o. Tuzla nije pripremljena u skladu sa tenderskom dokumentacijom jer ponuđač u sklopu svoje ponude nije dostavio Izjavu iz člana 52. ZJN, a koju je bio dužan dostaviti u skladu sa tačkom 4.1.g) Tenderske dokumentacije u kojoj je navedeno da ponuda treba da sadrži:

*g) Izjavu ovjerenu kod nadležnog organa (sud, notar ili općina), u skladu sa formom koja je data tenderskoj dokumentaciji da nije nudio mito niti učestvovao u bilo kakvim radnjama koje za cilj imaju korupciju u predmetnoj nabavci -član 52. stav (10) Zakona. Izjava ne smije biti starija od objave obavještenja o nabavci;*

Ponuđač „HARFO-GRAF“ d.o.o. Tuzla je u sadržaju svoje ponude naveo da dostavlja Izjavu iz člana 52. ZJN, međutim Izjavu iz člana 52. ZJN. nije dostavio, a na stranama 16. i 17. ponude dostavio je dvije Izjave iz člana 45. ZJN.

Uzimajući u obzir navedeno, da ponuđač nije dostavio Izjavu iz člana 52. ZJN u sklopu svoje ponude, ponuda ponuđača „HARFO-GRAF“ d.o.o. Tuzla je ocjenjena kao nepravilna ponuda jer nije u skladu sa tenderskom dokumentacijom i kao takva nije išla u dalju proceduru u ovoj javnoj nabavci.

Analizom ponude ponuđača „OXYGEN“ d.o.o. Sarajevo, utvrđeno je da ponuda sadrži sve dokaze zahtjevane Tenderskom dokumentacijom, ispunjava sve propisane uslove, pa je ocjenjena kao prihvatljiva.

Obzirom da je pristigla jedna prihvatljiva ponuda e-aukcija nije zakazivana.


Budući da ponuda ponuđača „OXYGEN“ d.o.o. Sarajevo zadovoljava sve postavljene uslove utvrđene Tenderskom dokumentacijom to je Komisija predložila da se sa navedenim ponuđačem zaključi Okvirni sporazum o pružanju usluga štampanja matičnih knjiga, matične evidencije i druge blokovske robe za potrebe Univerziteta u 2023. godini.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:  
01-70-JN-8/23 LOT 2 od 24.05.2023. godine

DOSTAVITI:  
1x učesnicima  
1x a/a



DIREKTOR ZA  
EKONOMSKE POSLOVE  
*Husein Matović*  
Husein Matović, dipl. oec.